

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XX)3

**SOALAN BERTULIS OLEH AHLI KAWASAN BUKIT TENGAH
YB. GOOI HSIAO LEUNG**

3. Terdapat berapa perkampungan baru "new villages" di Pulau Pinang, dan adakah Kerajaan Negeri memberi peruntukan tahunan bagi tujuan menaik taraf dan memodenkan kampung-kampung baharu tersebut, dan sekiranya tidak, kenapa begitu?

**YB. DR. AFIF BIN BAHARDIN
MENJAWAB BAGI PIHAK Y.A.B. KETUA MENTERI**

3. Kerajaan Negeri melalui PLANMalaysia@Pulau Pinang telah mengadakan Bengkel Penyelarasan dan Pengemaskinian Semula Maklumat Kampung Negeri Pulau Pinang pada tahun 2017. Hasil dari bengkel tersebut terdapat sepuluh (10) buah kampung baharu Cina yang terdapat di Pulau Pinang berdasarkan empat (4) kriteria yang digariskan seperti berikut:

Penempatan kampung yang wujud pada masa darurat (1948 – 1960) bagi mengatasi masalah ancaman komunis;

Kependudukan kaum Cina;

Terletak di ladang–ladang getah, kawasan perlombongan bijih timah dan di sekitar bandar–bandar sedia ada; dan

Corak penempatan adalah berpusat dan berbentuk *grid iron*.

Daripada 10 buah kampung tersebut, enam (6) buah kampung berada di daerah Seberang Perai Tengah (SPT), tiga (3) buah kampung di Seberang Perai Selatan (SPS) dan satu (1) di Seberang Perai Utara (SPU).

Kerajaan Negeri melalui peruntukan pembangunan yang diluluskan oleh Dewan Undangan Negeri (DUN) telah menyediakan peruntukan secara tahunan bagi tujuan pembangunan desa termasuk kampung–kampung baru meliputi naik taraf infrastruktur, peningkatan taraf hidup dan program modal insan. Pada tahun 2018, Kerajaan Negeri telah meluluskan peruntukan berjumlah RM9.45 juta bagi melaksanakan program dan projek di bawah Projek Khas Ekonomi seperti berikut:

Program Pembaikan Rumah Rakyat Termiskin (Bina Baharu dan Baiki);

Program Peningkatan dan Pemulihan Ekonomi (Naik taraf Kompleks Gerai);

(iii) Program Peningkatan Ekonomi Golongan Miskin / Pembangunan Industri Desa (Bantuan Peralatan);

(iv) Projek Naik Taraf Dewan Orang ramai;

Projek Naik Taraf Jalan Kampung dan Longkang; dan

(vi) Program Modal Insan.

Projek Khas Ekonomi ini dilihat bersifat serampang dua mata iaitu tidak hanya tertumpu kepada peningkatan infrastruktur kampung tetapi juga mampu membantu meningkatkan jati diri penduduk kampung melalui keusahawanan selaras dengan hasrat Kerajaan Negeri menjadikan Pulau Pinang sebagai sebuah negeri bertaraf antarabangsa dan pintar yang dimiliki semua.